

Visoki predstavnik ukida zabranu vršenja javnih funkcija za četiri osobe

Visoki predstavnik, Christian Schwarz-Schilling je danas ukinuo zabranu vršenja javnih funkcija za četiri osobe koje je smijenili prethodni Visoki predstavnici glede opstrukcije implementacije mira.

Osobe na koje se odnosi ova odluka su: Ivan Mandić, Emin Skopljak, Ahmed Smajić i Mirko Stojčinović.

Ukidanje zabrane smijenjenim osobama ne vraća te osobe na funkcije sa kojih su smijenjeni. Ukidanje zabrane OHR-a automatski ne znači da određeni pojedinac u cjelosti može učestvovati u javnom životu. Točnije, to znači da OHR više nema odgovornost da odlučuje o tome da li osoba može ili ne može učestvovati u javnom životu.

Političke partije moraju odlučiti da li će ove osobe postaviti na stranačke funkcije, kandidirati ih za izbore, pozicije u Vladi ili naimenovane funkcije. Institucije moraju da odluče, u skladu sa zakonom, da li da ih imenuju.

Smjene zvaničnika su imale važnu ulogu u pomaganju BiH da se oporavi od posljedica rata. Široko je prihvaćeno stanovište, između ostalih i od strane Venecijanske komisije, da su smjene zvaničnika koji su vršili opstrukcije pomogle u napretku mirovnog procesa.

Međutim, kako BiH ispunjava obaveze iz Daytonu i kreće se ka euro-atlantskim integracijama, postoje nepobitni razlozi zbog kojih ove zabrane trebaju biti ukinute. Pitanje smijenjenih zvaničnika mora biti razmotreno i riješeno prije zatvaranja OHR-a.

Ukidanje zabrana niti na koji način ne može dovesti u pitanje eventualne sudske procese koji su možda u toku protiv osoba koje su u pitanju.

U ovaj proces nisu uključene smjene koje su u svezi sa Haškim tribunalom. Takve smjene spadaju u posebnu kategoriju glede činjenice da potpuna suradnja sa Haškim tribunalom ostaje jedna od osnovnih obveza iz Daytonskog sporazuma.